



KOMUNIKADO PA PRENSA

Fecha
30 di yüni 2017

Kolaboradó di Maneho
Corinne Leysner

Email
corinne.leysner@gobiernu.cw

Besindario di rotònde na SDK ta bira mas bunita ku plantashon di mata

Willemstad - For di dia 3 te ku dia 14 di yüli próksimo, Obra Públiko i e kontratista Kwekerij Exotische Tuinen, ta planta mata den besindario di e rotònde na Kaminda Andruw Jones, na altura di Stadion Ergilio Hato i Sentro Deportivo Kòrsou. Riba e rotònde mes ya kaba tin e struktura pa bandera, pues einan no por hasi plantashon.

E trabounan di planta mata ta tuma lugá, mas tantu posibel, entre 8'or di mainta i mitar di 12 i den e oranan di atardi entre mitar di 2 i 5'or di atardi. Asina ta evitá pa tráfiko pega durante di e oranan di mas drùk. E kontratista ta pone material di seguridat riba kaminda, pa e trahadónan por hasi nan trabou na un manera mas sigur. Esaki ta nifiká ku tráfiko mester tene cuenta ku e kaminda ta bira mas smal durante di e oranan di trabou.

Pa hendenan den bisindario di e rotònde por tin djis algun molèster na e momentunan ku e plantashon ta nèt dilanti di nan kas. E kontratista ta sòru pa e molèster ta keda na un mínimo i ku tur hende por dreña i sali nan tereno sin problema. Obra Públiko i Kwekerij Exotische Tuinen ta pidi komprension pa e trabounan.